



GJYKATA SUPREME E REPUBLIKËS SË KOSOVËS
VRHOVNI SUD REPUBLIKE KOSOVA
SUPREME COURT OF REPUBLIC OF KOSOVO



Date: 14.02.2014

Mbledhja e Përgjithshme e Gjykatës Supreme të Republikës së Kosovës në të cilën ishin të pranishëm edhe gjyqtarët dhe përfaqësuesit tjerë nga EULEX-i, në bazë të nenit 22 të Ligjit për Gjykatat e Rregullta, më 14.02.2014, me shumicë votash miratoi këtë :

Mendim juridik

Kur Gjykata e Apelit duke vendosur sipas ankesës së Prokurorit të Shtetit, të paraqitur ndaj vendimit të gjyqtarit të procedurës paraprake me të cilin nuk është pranuar kërkesa për caktimin e paraburgimit, ka miratuar ankesën dhe ndaj të pandehurit ka caktuar paraburgimin, i pandehuri kundër vendimit të tillë, ka të drejtë t'i paraqes ankesë Gjykatës Supreme të Kosovës.

A r s y e t i m


Gjyqtarët e EULEXi-t po i hedhin ankesat e të pandehurve si të palejueshme, kur ankesat janë paraqitur, ndaj aktvendimit të Gjykatës së Apelit e cila duke vendosur përkitazi me ankesën e Prokurorit të Shtetit e paraqitur ndaj aktvendimit të gjyqtarit të procedurës paraprake të gjykatës themelore i cili ka refuzuar propozimin për caktimin e paraburgimit dhe kjo Gjykatë ndaj të pandehurve po cakton paraburgimin. Përfundimet e tillë janë të gabuara për arsyet e mëposhtme:

Në dispozitat e nenit 189 par. 3 të KPPK thuhet: "Ndaj vendimit për caktimin e paraburgimit, secila palë ka të drejtë të paraqes ankesë brenda 24 orëve, nga momenti i marrjes së aktvendimit. Me asnje dispozitë ligjore nuk u është mohuar e drejta e paraqitjes së ankesës, ndaj vendimit për caktimin e paraburgimit, nga ana e Gjykatës së Apelit, përkundrazi një e drejt e tillë me ligji i është njojur palëve, këtë e dëshmon edhe dispozita e nenit 411 të KPPK, ku në paragrafin 6. thuhet se: "ndaj aktvendimit (jo ndaj aktgjykimit) të Gjykatës së Apelit, mund të paraqitet ankesë në Gjykatën Supreme (parografi 8 i KPPK) nuk është konkretizuar ndaj cilit, por ndaj aktvendimit në përgjithësi (cili aktvendim tjetër i Gjykatës së Apelit do mund të ankimohej me ankesë, nëse jo aktvendimi për caktimin e paraburgimit, kur të pandehurit për herë të parë po i caktohej paraburgimi ?).

Me Ligj, të pandehurit i është mohuar e drejta e paraqitjes së ankesës ndaj aktvendimit të Gjykatës së Apelit për caktimin e paraburgimit, vetëm atëherë kur kjo Gjykatë, duke vendosur sipas ankesës, ndaj aktgjykimit të gjykatës themelore, e ndryshon atë dhe të pandehurit i cakton paraburgimin (*p.sh ka ndryshuar aktgjykimin lidhur me vendimin për dënimin dhe i ka shqiptuar dënimin mbi pesë (5) vjet burgim, ku paraburgimi është i detyrueshëm*), ndaj këtij vendimi nuk është e lejuar ankesa, ngase ligji në situatën e tillë shprehimisht të pandehurin e ka zhveshë nga një e drejtë e tillë - neni 403 par.3, në të gjitha raste tjera të pandehurit nuk mund t'i mohohet e drejta në ankesë, kur atij i caktohet paraburgimi, ngase me dispozitë ligjore një e drejtë e tillë nuk i është mohuar.

Mohimi i të drejtës së të pandehurit për të ushtruar ankesë ndaj vendimit për caktimin e paraburgimit, në situata të tilla (*kur Gjykata e Apelit miraton ankesën e prokurorit të paraqitur ndaj vendimit të gjyqtarit të procedurës paraprake me të cilin është refuzuar kërkesa për paraburgim*), tangon të drejtat e tij të garantuara me Kushtetutën e Republikës së Kosovës, neni 29 par. 4, neni 5 par. 4 të Konventës Evropiane e të Drejtave të Njeriut, dispozitat e nenit 189 par. 3 dhe dispozitat e nenit 411.par.6. të KPPK.

Dr.sc.Fejzullah Hasani
Kryetar i Gjykatës Supreme të Republikës së Kosovës

A handwritten signature in blue ink, appearing to read "Hasani" followed by a date or initials.